

四庫全書

集部

欽定四庫全書

集部

松桂堂全集卷六

七

詳校官庶吉士_臣汪彥博

助教_臣常循覆勘

總校官知縣_臣楊懋珩

校對官助教_臣李學錦

謄錄監生_臣陳德基

欽定四庫全書

松桂堂全集卷六

己亥庚子

吏部侍郎彭孫通撰

夏日過孫大山梅溪精舍題壁

灌木蕭森敞夕陰
禪關下枕碧溪深
徵君廬阜新歸社
高士蘓門獨鼓琴
疎砧晚通風竹響
清蜩晨抱露桐吟
頻年湖海嗟行役
何處相期出世心

九日限重陽登高四韵同顧菴子存貽上賦

日暮望鄉國山深雲萬重宮鴉橫霽色陵樹淨霜容心
逐南中雁書來海上烽倦游空向夕吟斷鳳城鐘

共有招攜興驅車向夕陽白衣何處酒青女九秋霜作
客驚蕭候逢人盡異鄉落英如可採我意在三湘

地迥猶千里臺高試一登客吟深越鳥鄉字減吳綾鵬
急清燕塞鴻歸度瀟陵故山相望處目盡白雲層

秋氣何寥濶蒼然四望高深杯驅折絮險韻關題鮫林
柿風鳴葉汀蘆雪點濤羈懷坐搖落應逐酒人豪

走馬斜街見菊花

黯淡秋陰白日斜
又看黃菊傲霜華
客情最是難消遣
擣素聲中唱賣花

清霜落後雁初迴
不見南中一字來
此日東籬秋色滿
黃花終日為誰開

秦箏歌送顧翊文之邠州同貽上作

君不聞秦箏聲最苦
孤雁流哀生極浦
擘絃促柱一再彈
隴首征夫淚如雨
關山迢遞三川道
古時荒涼秦樹老

萬里行人聽暮笳五原賓從空秋草故人擁傳向秦
城杜甫山堂月正明曉參漸落箏聲歇不見秦城見明
月

望西山

太行千里脉疊嶂擁關門一雁分秋色雙鷗落曉痕迴
峰沉日影飛瀑洗雲根望望空歸去幽竒好細論

登毘盧閣晚眺

為愛秋光入化宮梵王樓閣倚虛空千門烟火參差合

四塞山河遠近中下界人聲塵漠漠上方雲氣夕濛濛
坐聽鐘梵松間出頓使浮生歎轉蓬

振衣獨上化人臺飛閣流丹此地開閭闔遠浮銅狄影
關門斜抱玉泉迴欲排鳥道凌空去不盡秋陰入檻來
誰向登高工作賦抽毫深媿大夫才

九日同子存貽上賦

木落天空野照開憑欄千里朔風來山連榆塞高無極
水繞桑乾去不迴歌帽客投黃葉寺望鄉心醉紫萸杯

烽烟日夕勞回首蕭瑟江南庾信哀

勞人向夕起相思籬菊開殘最後枝客裡授衣愁令節
尊前啼缺惜芳時西山葉盡寒鴟見大陸雲愁去雁遲
沙梗坐飛秋日暮苦吟低拂玉鞭垂

迢遞關山鎖濁河登臨翻遣客愁多佳人東國流黃暗
公子西郊獵騎過易水風寒聞變徵薊邱霜老罷鳴珂
唐中太液當年事白露商飈冷菱荷

與存岩約遊西山不果

擬向烟霞曳短筇不禁清夢繞諸峰
秋風玉水潭前樹落日香山寺裡鐘
逋客漫褰青薜荔遙天空掛碧芙蓉
遂初他日能偕隱蠟屐芒屨到處從

問西樵齒疾

王郎少宦情齒冷還成厄何當掛冠去一漱西山石

過竹林寺

古刹何時建經年客到稀
喚晴雙鳥下汲雪一僧歸
廢址無栽竹枯藤有化衣
王猷空命駕幽興悵多違

送旭曙南還

製得荷衣返舊林十年操瑟少知音
家貧易有窮途淚地迥難為送別心
白苧雲山孤夢遠青溪烟雨一篙深
君歸且卜南湖宅莫向清時歎陸沉

雪中訪邱二虎牙不遇

客舍臨斜陌重扉掩朔風
主人何處去雪滿鳳城中
北闕金莖濕西山翠靄空
灞橋曾有約清興與誰同

月夜同存巖過涵谷宅因留飲至醉

良夜招尋遠自從空庭竹柏影重重寒光逼曙浮仙掌
清漢橫波轉禁鐘坐久漸知秋氣肅談深偏覺酒杯濃
承天往事君能憶清興還追舊日蹤

飲西樵邸中與耿十三承哲夜話

苜蓿衙齋冷似年開樽不惜酒如泉微官且喜同傳舍
一醉還能減俸錢清夢夜懸長白樹朱門寒鎖薊邱烟
相從莫更辭頻數萍合天涯亦偶然

傳舍顏師古
作平聲讀

與禮吉索香奩詩

偶疊香箋寫麗人詎堪持作鏡湖春
歸囊莫帶陳思賦
恐向中宵誦洛神

贈驪使余岱輿侍御

南顧勞

明主西臺遣近臣昔聞題柱客今見避驄人
霜旆臨吳甸星軺指越津諸曹爭負弩大吏此埋輪
民力艱濡沫商艚苦算緡帆檣千里色并灶萬家春
國計頻年絀軍需不日陳岩疆紛雨露漲海淨風塵
早晚歸鵷列中朝待秉鈞

長安紀事

臨軒三策漢諸儒
水碧山玄繞帝樞
九陛紛陳全鹵簿
千官拱聽大句臚
龍文鑄幣頒王府
茗酪傳枯出御厨
自幸遭逢明盛日
溫隨鵷鷺上天衢

詞臣筆札侍

宸居左掖宣呼自選除

鳳綽初傳天上詔
琅函重啟帳中書
大官賜食龍樓曉
內史抽毫秘殿虛
漢帝好文應浪語
却教楊意薦相如

金焦鉦鼓向南來千里餘皇水面開楊子旌旗吹蜃暗
海門波浪斬鯨迴雖懸漢室通侯爵不賜炎洲續命杯
廟算自然深九地捷書欣看入瀛臺

商風蕭颭動秋陰列校星羅獵上林殪兕西山蒼霧合
射蛟南海暮雲深驚塵上駟周王騎屬玉離宮漢主臨
曾向承平修武備非關蒐狩樂從禽

豫遊清蹕駐皇畿往代山邱悵已非特發水衡新廟貌
更行園令肅旌旂茂陵刀劍橫青草昭寢熊羆冷翠微

聖主一朝修盛典千秋史冊有光輝

客有談西山之勝者因賦一律

見說西山勝秋深紫翠重高寒生絕頂夕秀吐羣峰古
寺馴珠鶴飛泉掛玉龍不知禽向侶岩下幾人逢

為鍾玉行賦悼亡之句

鳳池歸去雁書遲腸斷紅蘭萎露時湘浦霜寒凋玉羽
瑤臺月冷折瓊枝牛衣却憶同貧賤驪曲翻成永別離
莫怪安仁頭早白空床長簾不勝悲

南海謝子茅枉問不值見投新什賦答

萍蓬蹤跡近燕臺
旅舍秋陰黯不開
門外軒車詞客過
壁間鳳字故人來
魂搖鄉國孤烽斷
心逐關河一雁迴
見說平臺方授簡
幾人得似惠連才

月夜宿貽上邸中聯句

飄泊天涯侶同驚
歲月闌貽上禁鐘清露濕
邊月白榆

寒駿孫 海逢人少風塵說劍難貽上
廣陵相憶處好

寄碧琅玕駿孫時貽上
將就官廣陵

又次貽上

西窓寒不寐
明月下窺人
歲晚憐為客
途窮厭此身
官梅仙吏隱
叢桂小山隣
惆悵驪歌近
聯床且自親

附貽上詩

此夜長安月
清光對故人
迢遙千里別
落拓百年身
舉世無知己
名山好卜鄰
平生邱壑志
禽向自相親

贈王東臯吏部

南曹仙吏冠諸郎
鄴下名流綴鷺行
啟事一時推品藻

選人千載頌公方關河歲晚綈袍冷閭闔雲高禁路長
記得清酣風月夜座中三日握蘭香

起草歸來玉署清高軒晨夕過柴荆泥塗久已安卑賤
湖海猶勞問姓名臺裡青山銅雀館尊前寒月薊邱城
他年薄宦風塵下回首雲霄萬里情

感事

十年零落舞衣塵繡像名經了淨因豈有白龍纏素頸
空將碧血灑羅巾貞魂已拔入天界幻影何分去住身

應是香軀成解脫
九泉哀怨不須論

送雲客兄還吳

兄弟天涯興不孤
攜筇日醉酒人壚
故園春色遙相待
一夕歸心滿石湖

不惜間關千里行
夢中春樹闔閭城
扁舟他日來相遇
共向山窓聽雨聲

送別關河雨雪深
應知此際悵登臨
歸時若遇吳門卒
為致明時勸駕心

聞砧

獨客空亭暮凭欄聽搗砧和蛩飄夕籟隔葉散秋林空際流餘響停時寄遠心可憐今夜月孤夢香難尋

送謝子茅歸南海

傾蓋天涯意自親鳳城吟拂玉鞭塵烏衣貴客今無恙白雪新詞舊絕倫賦裡秋光清海月夢中草色嶺頭春若為歸去梅花發折取南枝寄遠人

送姚經三歸桐城

客舍驪歌日暮聞歸帆
遙帶皖江雲不堪同作天涯侶
黃葉青山獨送君

長至日

古寺蕭條白日西
一枝聊得寄卑栖
地隣泰谷寒偏早
律轉葭灰氣未齊
山閣寥寥清磬夕
江天黯黯碧雲低
終朝走馬趨公府
畫省無人聽鳥啼

初度日

搖落風前勸濁醪
不堪雙鬢日蕭騷
已知壯齒輸荀美

猶媿微名比伏滔寒律幾時迴玉琯窮途真自戀綈袍
雲天咫尺空搔首閭闔崔巍禁路高

適有所感故
有綈袍句

喜家報至

遠客燕山久未歸西風搖落信來稀關河歲晏多烽火

目斷江南一雁飛

簡點來時是幾時不知此後更何如燈殘酒醒清無寐
重展天涯尺素書

金魚池

池畔延幽矚淒涼水一涯寒波搖螭竦秋雨沒蒹葭林
木清陰迴樓臺倒景斜提壺何處問隔岸有人家

夜就貽上宿逢劉公駮比部潘進也國博有贈
攜縑日就王郎宿丹鳳城西暮色開片月光浮招隱樹
孤琴聲繞辟寒杯劉琨夜舞仍豪舉潘岳秋興見賦才
千古風流應未墜清樽猶得暫徘徊

夜歸山寺

浮萍泛素波千里相沿汭孤蓬振朔風飄搖隨所遇人

生作遠遊蹤跡傷流寓但逢萍水人無復飛蓬顧疲驂
過我友斗酒日相聚晚歸漏四鳴角聲生古戍空巷絕
行人寒濠戰沙鷺參旗縱復橫鷄桀驚還住斜月影未
沉掛在扶疎樹杖屨一叩門僮僕久方寤佛火燭餘明
晨鐘起清悟歎息不成眠淒然感歲暮

報國寺古松歌

帝城景物誰第一靈竒首數報國松清陰磅礴數十樹
鬱蔥輪囷氣獨鍾中有數枝最綽約蒼龍怒爪紛相攫

下蔭瓊田五色芝上巢緄嶺千年鶴其餘往往含異姿
虬形黛色各自竒一朝澄霽振林籟晨鐘夕梵叅差吹
忽然風雨相交併洪濤不返聲長騁惡鯨吼浪白日晦
山鬼幽鳴捉人影當日驅車秦岱側秦封直上天門逼
徂徠山翠萬仞高不與此中爭氣色可憐古院老龍鱗
歲寒孤抱誰相隣時有百貨來填溢長安車馬喧紅塵
精神寂寞曠不接愧爾悠悠朝市人

偶成

斜日西風欲暮天故鄉歸去又經年
壚頭賸有荆鄉酒
洛下元無季子田

聖世漫須勞小草時名應自讓諸賢
天涯兄弟成相憶
不為鱸魚亦惘然

夜過斜街宅別西樵禮吉貽上

朔風集冬杪白日忽已沉策馬過南陌
取酒聊共斟
少年慕儔侶結契兄弟深一朝分道去
化作商與參
出門握手語霜露浩以淫
朧朧殘月影颯颯枯樹林
予返吳

山曲子歸低畎陰悠悠千里別此會良難尋

聞歌

秦箏不斷訴離愁河影參差碧月流雁柱促聲翻樂府
鵲絃催滾入涼州當時淚落蕭關戍此夜悲添楚客秋
一夕吳吟生白髮長安信美亦難留

秋夜與存岩話舊

秋漢迢迢禁漏長追思往事意茫茫空江夜雨鳴揚子
小舸春風汎呂梁囊裡孤琴淒苦調匣中雙劍隱寒光

一時飄泊憐同病又逐東風入帝鄉

出都留別方菴升存岩雍來涵谷諸子

驪駒分手處雨雪薊門行易得思鄉淚難為去國情

寒雲千里合秋曉萬山平惆悵城南路陽關第一聲

渡易水

峻坂峻嶒枕濁河相傳此地送荆軻河邊日暮悲風起
還似當年變徵歌

白溝渡

渡頭沙草白離離過客停驂日暮時古戍烟荒吹野火
寒鴉風急戰枯枝河流遠合滹沱水驛路中分督亢陂
欲問霸圖銷歇盡朔雲千里不勝悲

任邱道上

古道斜陽一片明桂巖岵嶢俯層城虞邱臺上寒榛合
碣石宮前蔓草平山雪兼旬飛鳥絕河水千里見人行
朔風凌厲愁雲重向夕憑軒萬古情

草橋

草橋南去接風烟極目平沙萬里天
籟谷寒聲千樹動
棗林疎影一巢懸
紛飛鳥雀喧山驛相逐牛羊下
墓田
指點舊游蹤跡在
驚心歲月已三年

道經新城即古燕督亢地

羸秦方虎視蚕食及四鄰
利此百里地幾喪萬乘身
絕袖洵天幸繫組亦轉輪
荆卿伏劍去性命輕一塵
蕭蕭易水風至今含酸辛
南轅經此地古道多荆榛
但見樵與牧不知燕共秦
悠悠行路者躑躅咸傷神
生理盡可

悟徒悲千載人

望塔

古塔勢玲瓏方外標靈境風沙日夕高天半懸孤影

交河道中

一鞭迢遞日初斜屈指三齊路不賒郭外人烟交繡壤
道傍游騎逐輕車百年古碣埋蟲字千里寒雲接雁沙
莫向城頭聽朔管應憐蹤跡滯天涯

望岱

東嶽岩崑峙古今鬱葱氣勢肅人心徂徠翠減秦松色
岱麓雲低漢碣陰似有神光開遠岫依然風雨滿中林
何當徙倚天門上正練吳閭影細尋

玉簡金泥隱秘文至今佳氣積氤氲中天盤礴崇朝雨
千里輪囷大澤雲欲叩山靈探漢策遙披香霧禮元君
時清會有云亭典封禪遺篇若個聞

融結河山見化工遙遙削出紫龍從峰懸一片長安日
地界千年大國風烏道孤危愁徑度神房飄緲礙虛空

琅玕道遠憑誰寄
矯首青天碧霧中

極目蒼茫迥自愁
洞天何處敞清幽
斜陽競吐千峰秀
殘雪爭鳴萬壑流
離合陰陽環二氣
區分齊魯帶諸州
亦知訪嶽慚禽向
咫尺雲山作卧遊

曉行

曉行負殘月
寒影相追赴古渡
絕行人繁霜白
無露稍遠天始明
澄霞生朝昀
黃沙接白雲
中有參差樹
寥濶萬里餘
縱目與之遇

哀風丙夜起窮陰四無隙驅馬向南行不辨阡與陌
鵝臬木杪號鬼火空林碧既憚道路艱復苦冰霜迫
寒威裂手指誰能任鞭策行久識前途仰見東方白

客舍題壁

朔吹驚沙向晚天栖遲車馬倦遊年暮山層疊凝寒碧
古道蒼茫起夕烟歸客且攜燕市酒故人爭著祖生鞭
不堪憔悴風塵裡回首長安落照前

涿州道中

短衣疲馬日相從迢遞關山幾萬重大陸雲愁趨涿鹿
斜陽影盡見盧龍鄉心正繞青谿宅客夢猶懸紫禁鐘
却憶故園春酒熟一時應念遠遊蹤

途中雜詠

一身如斷梗隨地託行踪計日經殘臘歸心戒暮冬
葦簾凌朔氣菰米響高舂夜半驚鄉夢招提何處鐘
晨興慰僮僕勞苦及茲時行止身難定饑寒理亦宜
曉霜驢背重殘雪鳥巢危共指前邨去雲林一帶移

南征經十日迢遞是前程山路高低出溪橋上下行朝
寒飲魯酒晚食廢吳杭信宿聊相傍栖栖逆旅情

渡溪水

一水環山麓浮梁逐處成淪漣流不盡日夜有溪聲白
日迴波影清泉澹物情勞勞車馬客聊此濯塵纓

蒙陰道上

征途斜繞大河東山邑荒涼一道通殘雪依然明馬耳
孤城長自枕龜蒙樵歌牧笛聲相引草樹雲山路不窮

明日青陽新節候更隨短騎逐春風

過羊叔子故里

千里溜青一望間數家烟火隔人寰
空村店繞青溪出廢隴人驅白豕還
羊祜宅荒橋枕水曹參城遠日沉山
此中碑記皆零落峴首蒼苔色未斑

沽酒

峭急風威壓鬢華停鞍又見日西斜
沿門一犬迎人吠遠趁青帘問酒家

沂州道中見流民作

道左流民轉壑時停車一問陸沉悲田夫久廢龜陰耒
室女長停岱畎絲豈有九年勞旰食惟言五日待瓜期
何人近作監門令不繪鳩形獻玉墀

大風

噫氣出豁訝萬竅怒相逼天地慘不交蒼黃同一色林
木既傾頽飛鳥爭投匿榆枋聊自安敢冀扶搖翼

渡齊河

路入齊河村居人汲清冷云是濟水流起伏成千頃倒
景貯峰巒陽烏明藻荇寒渡無羣喧淪連舞人影

崇岡

崇岡九折深白日一時墜西山黯無光東山生紫翠

江北謠

種樹莫種棗多寔亦多刺果熟市得錢刺多作藩蔽

二

枯樹採蚕絲日織盈丈許賣向江南人傲殺江南女

三

乘驢涉淺水莫向無人處
新婦無丈夫驅驢不得去

立春前一日郟城道中

當時郟子邑風土見清淳
里賽祈年社城迎隔歲春
蒲秋稅減饘粥夜厨貧
父老閒相語忻看節序新

秦郵

節物勾芒後行程甍社前
晚春供露粟春事試風鳶
淮鼓喧神曲河魚溢稅錢
明朝江上去重買廣陵船

山行

山行不覺長但覺窮陰促暝色窈然深月影紛相續

秦郵河上

北風河上急寒影落溪莎白漲翻魚笱黃雲冷雉羅年
華悲逝水客興老滄波沙鳥閒相傍虞人柰爾何

德州道中

金湯十二迥相連四塞居然此地偏境外山川標海岱
河西風壤接幽燕千檣競轉東南粟萬馬閒馳賜予田

欲訪修靡當日事廣川宮闕盡寒烟

景州

城上風高白颭沙行人徙倚聽悲笳北連紫塞三千里
南接青齊十萬家暝色一行迷去騎寒天數點沒殘鴉
年來隨計燕山道幾度經過感歲華

富莊驛

富莊驛路阜城東雪盡平林四望空野曠天低無極處
人家多在夕陽中

平原道中呈次貞

朝發廣川道晚次平原鄉
久饑不得飽所苦道里長
賴有同車侶款語聊相將
下車各一顧神氣阻不揚
開顏向我友且復共舉觴
人生慕遠游誰能憚風霜
勞苦慎相習努力事四方

渡黃河

濁流遠挾百川飛凍合帆檣入望稀
貝闕秋濤降海若淇園春色走支祈
榜人狎浪鳴榔待津吏敲冰擊汰歸

世會幸逢如帶日且須還問釣魚磯

決瀦中央白日昏倚舷長望曠無垠迴瀾縱壑吞淮瀆
急浪歸墟下海門曾鼓狂波沉瓠子誰從絕域訪崑崙
何人更作河渠志九曲源流與細論

黃河崖

瀾瀾黃河崖漫漫濁水流城郭鬱相望原濕阻且修雖
經千里道曾無一瞬留坐使日月從轉覺身世浮

河上

流澌南下急河上片帆稀沙鷺依冰立溪禽貼水飛波
平茭草合風靜浪花微遙見斜陽合行人喚渡歸

除夜泊邗關

越客晚停橈淒涼廿四橋江聲懸夜枕漁火亂春潮歲
月流波駛烟塵漲海遙竹西亭畔路風物入蕭條
除夜入春陽邗溝接渺茫五年逢此夕三度在他鄉星
漢浮漁浦風烟冷戰場微名真自累客淚滿河梁

除夜酌酒與次貞

千里邗關接暮烟一尊相對各淒然孤舟明發寒江上
追憶今宵是隔年

贈杜振門司農

軍須民力困輸供海內名卿有杜悰通秩近兼周少保
度支仍領漢司農文成鹿幣時何補山採銅溝事豈逢
悵望城南天尺五誰能取次賦登龍

漢廷卿相盡名賢九列登朝髮尚玄太史漫書平準法
大農兼給水衡錢中條山下饒清境姑射峯頭有謫仙

休沐他年應卜築風流不數舊樊川

夏日張黃門園亭陪上官僉事讌飲

黃門高甲第綠野擅林泉結構饒天巧郊原得地偏
緣崖鳴暗澗架嶺掛修椽秀石含雲潤文牋擢露鮮
虹霓垂下飲燕雀邈孤騫柳媚懷靈殿篴深想渭川
碧梧仙振樹叢桂小山篇爽籟吟涼木薰風振早蟬
松筠深窈窕中几淨嬋娟峭閣延幽矚清暉被遠阡
四維低鳥道一線起人烟溪靜波如掌沙晴鷺似拳
不須窮遠目已

是挾飛仙海色虛無裡山光縹緲前霞明秦帝嶺帆隱
越人船春氣凝蛟蜃秋輪湧朧弦乾坤青未了日月璧
相連邑里形交錯江湖思渺然比因休沐暇快覩泰階
平跡向東山寄心猶魏闕懸朱明逢勝景清讌秩初筵
細雨涼初襲華燈焰欲燃嘉賓星使貴地主夕郎賢畫
戟森雕戶霓旌燦彩旃憂時談慷慨卜夜坐流連仙醕
金莖瀝侯鯖雪色鱸蔗漿留舊賜梅鼎待新煎家果
張梨熟盤珍夏橘圓徵歌珠累累按舞鼓淵淵聲有停

雲奏杯因激水傳披襟通欵洽薄質荷陶甄迂拙情能
恕繁苛禮盡捐西園陪羽蓋北海御高軒詩酒追文舉
才華乏仲宣觥籌交宴咲樽俎奉周旋良會知難屢蒼
生念已牽明農須有日此地足忘年不厭頻還往時來
枕石眠

庚子除夕

寂寞閒居歲月移不堪風雨益淒其家人且自安饘粥
世事多愁問繭絲爐火細燃將盡篆瓶梅猶孕最先

枝辟寒賴有屠蕪酒醉話
邛溝夜泊時

松桂堂全集卷六

欽定四庫全書

松桂堂全集卷七

辛丑

吏部侍郎彭孫遹撰

正月九日小舟入村有作

三日春猶淺餘寒陡未消
澤蘭紫雪蔓河柳試風條
偃樹微通棹迴帆不碍橋
村農晴卜歲笑語互相邀

曉發長水小舟阻風不得前
同崔大子王徐六瑄朗夜投壽生禪院宿

風急天昏下夕曛上方一宿未離羣
窓虛遠受鸚湖月閣迥長含雁蕩
雲暝際漁燈搖滉漾定中鑪氣遍氤
氲松陵明發應回首烟樹微茫杳不
分

院西有巨浸名雁蕩東去鸚脰湖不

及三十里

松陵阻雪借宿村舍題壁

小艇迎風似葉飄山家聊得駐鳴橈
孤篷一夜吳江雪白遍垂虹十里橋

大風雪泊松陵城下

江天千里白迢迢急雪迴風晚更驕地枕虹梁偏帶雨
水通笠澤暗添潮孤城芳草空如積小塢繁花已自凋
此日吳娃愁欲絕春波望斷木蘭橈

孤舟漂泊五湖東客子行歌雨雪中春水年年浮遠棹
南雲日日送歸鴻漁榔夜宿潭烟紫驛騎西來堠火紅
吟罷吳趨還自和令人長憶陸龜蒙

雪後登虎邱山

雪後攜筇上翠微叅差林木映清暉雲岩曉樹鴉初起

金匱山房詩集 卷七
鶴澗空波鳥自飛春草依然侵履跡寒山終日擁僧扉
道人對客忘言久閒向松陰補衲衣

山塘

春水雙篙滑橫塘七里遙晴憐山色好暖覺鳥音調絲
管紫朱舫烟波鎖畫橋旗亭松釀熟日暮更相邀

吳門舟次送別侯筠庵夫子北行

春風搖蕩春江曲櫂歌咿啞聲相續松陵渡口雪初消
閶闔城邊草正綠此時送別欲銷魂况受當年國士恩

暫得分襟南浦上何當負笈大梁門
大梁門外官河柳到日青青拂人首
憑弔重經廣武岡登臨一醉繁臺酒
酒酣慷慨重相思應念江關祖帳時
先生北發我南下征橈容與車逶遲
夜半金觴寒不御白雲遙帶揚旌處
歸帆不渡越來溪腸斷仙舟從此去

花朝日送別達之兄歸譙城贈歌

家兄不遠千里至過我海上之散廬
淹留未竟二十日趣裝早發還里間
擊鮮取酒勸君飲君其為我盡餘瀫

酒行前席徐致辭四座勿喧君自審憶昔驅車遠相看
小弟之年方弱冠彈棋六博樂未央深杯百酌歡無算
是時君向八閩迴曾上無諸萬仞臺為說戰場多白骨
悲歌起舞聲如雷須臾酒盡燈花落相送仙舟浮遠郭
一別離鴻遂渺然十攜社肉猶如昨今年重汎下江舫
來值春風燕子前青帝芳菲花下騎鯨人樓閣雨餘天
人生哀樂更相受安得為歡長聚首年亞潘郎見二毛
身慚陶令甘升斗與君後會杳難期東西南北知何有

君莫辭杯中酒不見灞橋車馬日紛紜折盡青青送人柳

寄懷培元族叔

褰帷露冕向南州建節鳴笳控上游人惜中山三歲牘
天容少伯五湖舟新開石室藏書穴別起神峰寶繪樓
大阮風流應不減何時追侍竹林遊

寄懷位中族叔

吾叔天下士英譽馳金石蒿目當世艱栖栖無煩席淮

南幕府開三上安時策壯志鬱未伸脫屣金閨籍言
垂江上綸歸卜譙城宅縹笈富藏書黃金多結客嗟予
生不辰髻鬢遭奇厄流離嬰白刃門戶誰能惜大江千
里外一姓吾宗祐生死不見聞豈若東西陌本是分形
人反作參商隔今春得好音迢遙相慰藉停雲暢遠情
尺素傳芳澤因思兵燹仍轉覺乾坤窄漲海滿風塵羽
書紛絡繹朱方長荷戈南詔悲行役索居同羈旅世路
安從適敦族貴具邇傳聞自夙昔願言長比居式好永

晨夕

寒食賁潮掃墓感賦

茲辰方熟食理櫬赴寒流魚菽春供祭松楸暮起愁丁
年多折蕙丙舍半荒邱誓墓知何日江湖愧魏牟

清明日病中作

初除禁火入清明榆柳新烟次第生多病未能工服食
避人應得罷將迎柔荑細蔓青堪禩艷蕊繁榮花錦作城
彈指春風三月暮幽居何必羨朝榮

上巳日過漢蜚一徑園飲

積雨園林禊事遲
孟公投轄屬芳時
舊傳觴政依金谷
新起山堂似習池
磴戶泉聲寒曳玉
藥欄花影細分枝
尊前莫惜如泥醉
勝會明年未可期

春夜夢貽上

王生不見久
寂寞風塵裏
再改白榆烟
一剖江心鯉
春城伏枕餘
夜雨摧桃李
夢中頻見君
粲花啟玉齒
折腰非素懷
浮湛聊復爾
相贈廣陵濤
沉綿為君起

春陰黯長夜雨葉無留響燈燭焰空堂餘光揚素幌故
人入我夢披對青雲上長安霜月夕氣色颯蕭爽高枕
忘晨昏微吟互忻賞離憂結窈渺千里通來徃胡為冰
玉姿俛首羈塵鞅籌筆困斯人因風發遐想

問鑑公疾

春氣連陰滿綠蕪山鳩日日引鳴雛殷勤問取維摩疾
大室繩床好在無

鑑公蘭若小池濱曲徑踈籬頗率真開遍櫻桃千萬樹

竹爐榆火送殘春

三月十五夜月自正月來無日不雨是夜始見

月色賦十韻

元夕張燈罷春朝盡日陰鳴禽猶格軋芳樹尚蕭森碧
草長堪結濃花冷不禁鄰杯傾點淡山屐廢登臨竟夜
空階雨繁憂伏枕吟金波宵乍湧朱戶影相侵暈氣浮
輪滿寒光入照深風飄初濯練天桂欲橫參和旭晨難
定多時陸向沉梯雲尋秘術挹取貯衫襟

遣小僮問元景侄病

汝病今何似春郊檢藥方
吟白團扇莫帶紫羅囊
竹蟻芳林宴花枰小墅香
慎旃他日事垂老慰高堂

苦雨歎

入春常苦潦破塊亘千里
中更兩月餘浸淫不知止
稍稍浴咸池少焉旋復已
女桑苑且枯人柳僵難起
萬木徒向榮無論桃與李
陽氣惡沈鬱積陰乖物理
昨聞殷其雷乃在南山趾
傾崖驟雨集江湖流瀾瀾
田家為余

占乘船行入市土膏已覩發東作今方始二穀苦不登
三農飢欲死陵裏豈病堯天漏同憂杞安得鞭羲和一
照生忻喜玉燭四時調泰階平若砥

春日病起有懷金子旭曙曹子飛雖

金生吾臭味託契八年餘入抱荆山玉懷人薊北書青
雲行自致白首分非疎寂寞文園裏飛鳴一起予

石友時相念京華久未迴秋槎揚子渡春酒杏花杯異
骨千金駿雄文八斗才十年兄事汝風雨憶追陪

立夏前一日與客晝飲得飛雍南宮捷音因念

亡友網閣

殘鶯新絮暮春天忽憶京華客未旋
草閣清酣傾碧釀
藥宮芳信見紅箋同心爾結王陽綬
先路吾慚祖逖鞭
若念竹林遊宴日君應揮涕仲容賢

喜飛雍登第因追憶涪州嶽一二徐子

清和風氣近朱明
晞髮松陰弄晚晴
北極飛龍新射策
東阿繡虎久知名
遭逢應有彈冠慕
思舊還多宿草情

屈指同遊今更幾待君高視慰生平

五日即事

張具高堂試酒鎗新松新桂午陰清迹隣海鳥應無忌
身著荷衣亦自輕家計僅存三徑菊山有不羨五侯鯖
驚心吾土多烽火那得靈符與辟兵

寄錢子青時客雷明府署中

蕭寺論詩坐夜闌故人南北寄書難暮雲春樹頻回首
草暖鶯飛幾倚欄清陰分窓虛幌閉暗塵生榻畫梁寒

知君抱得豐城寶仙令還能拂拭看

席間見歌者識其面乃亡友徐五湄榘舊時青
衣也感賦二絕

寂寞黃墟事已非梁雲裊裊月輝輝春風美殺紅襟燕
長傍烏衣巷口飛

雕梁畫棟暗生塵誰向堂前問主人清夜西園懷舊侶
斷腸聲裡月如銀

夏日雜詩倣晚唐體

澆花

閑庭清曉靜無譁
鵲吻西南見月華
汲得杜陵溪上水
澆來彭澤徑中花
方池欲涸逢山雨
小幔偏深護日車
留待重陽霜落後
東籬岸幘醉流霞

曬書

南窓辟蠹蕪芳芸
錦軸牙籤卷細分
自有青箱傳舊業
不須金匱發遺文
藏書柱下雲長護
散帙松間日未曛
少作雕虫應已悔
令人深媿郝叅軍

苦熱

炎雲張蓋曠無端暑暍侵人氣欲乾
河朔舊遊思縱飲山陰幽興憶清寒
宮冰玉井知誰賜仙露金莖宜易餐
此日折腰驅作吏未行已覺宦情闌

憂旱

年來臯壤寄行踪生計關心在老農
不見零陵翻石燕空傳闕里祀泥龍
賁湖春漲環如帶赭嶺炎雲幻作峰
為問漢廷賢長吏可曾省豁向提封

夏日雜興

禺午垂簾夏日長幽居雅稱芰荷裳濃陰倚幔侵人綠
晚籟鳴松拂簟涼無奈休文成委頓亦知中散本疎狂
避喧且作深山臥醉倒牀頭竹葉香

紅塵何地著清涼閉戶依然冰雪鄉新種菊苗盈尺翠
舊栽松樹過頭長人間豈有安期侶枕內應無苑秘方
大藥黃金君莫問且憑白墮送流光

七夕

一葉堦除下井桐晚涼被酒倚微風明河清淺月輪上
高樹扶疎雲影空家似茂陵常謝客年齊潘令早成翁
佳辰屈指經多少不在他鄉即病中

螺浮給諫以遼參見贈病中伏枕賦謝

內經夙擅參苓品本草還傳服食功忽枉瑤函來石友
頓令病骨起秋風閉門白日供高枕極目層霄送冥鴻
深謝哀憫無以報一生長處藥籠中

錫山道中與陳泰和別

風定夜寒增河流一夕冰晨星棲岸艸曉月掛漁簑
慧水沽新釀梁谿得舊朋客程應計日前路入蘭陵

登梅花樓晚眺

梅花不見小樓空樓外羣山窈窕通薄暮人烟浮竹翠
隔溪僧唄逐松風清雕對擊寒原上白月高升落照中
欲向楹間留姓字舊題埋沒草成叢

丹陽道上

高岸登躋苦流澌利涉艱寒霞環映水落日半啣山霜

雁隨陽至風禽薄暮還誰能長作客漂泊損朱顏

道經維揚晤王十一司理留贈之作

長安雪後悵離羣此日開樽對夕曛篋裡齊紈經歲字
夢中春樹隔江雲蕪城日色寒逾淡隋苑鐘聲晚更聞
與爾交情真不淺相逢寧復惜沉醺

春來風雨夜窓虛臥病何人問索居薊北三年鴻雁影
江天八月鯉魚書西亭葉落離筵晚東閣花殘宦興疎
明日秦郵回首處寒波渺渺重愁予

京口

由來京口地四會古今同方鎮南徐重營屯北府雄清
江天塹設白骨戰場空幾灑河山淚西風落照中

渡江

不辨水雲色浩然天地空漁舟紛擊楫烏道疾排風歲
月淹行李江湖任轉蓬南方今正苦矯首歎飛鴻

雨中宿寶應城外

白馬湖邊雪浪奔高厓古木欲平吞天臨澤國常多雨

邑少人家只似村宿草幾迷公路塚憑軒一弔孔璋魂
風塵滿目無知己羨爾當年國士恩

過邵伯湖

斜曛低驛路馬首悵何依晚渡潮爭上寒塘人獨歸溪
魚時自擲水鳥慣卑飛願逐垂綸者長歌入釣磯

高郵州

葉路離亭樹殘碑古驛程寒聲風截雨暈氣水圍城問
左多懸磬江南未寢兵甃湖千百頃潮落種香杭

淮角樓

歲暮辭家作遠遊
長途霜雪敵征裘
那堪密雨斜風裡
獨傍淮南古戍樓

貧婦歎

姑蘇城外清濠上
大者官船小客舫
鱗集雲屯晚未休
風鬟霧鬢來相傍
向船長跼淚四垂
手攜弱女懷抱兒
行人問婦何所苦
歛衣起立徐致辭
家住毘陵北山裡
良人本是千金子
自有田廬樂歲時
還餘僮僕供驅使

一朝不幸值踐更縣符府檄何縱橫官家稅一吏稅五
里胥溪壑猶難盈忽聞征南大兵至趣令軍需倉卒備
催符如雨絡繹來此時漫說新安吏二月新絲三月穀
賣田不給還賣屋僮僕逃亡家計無良人淚盡雙眼枯
遮莫無顏棲故里竭來乞食走吳趨吳趨客店聊饘粥
計食千錢過一宿兩兒三女年比肩饑來只解牽衣哭
七口艱難仰一人他鄉況是婦人身已知旦夕填溝壑
尚忍須臾訴苦辛語畢還聞嗚咽久逡巡似愧紅顏厚

哭聲錯雜未分明說苦終時不去口可憐天地未休兵
江南往往多橫征道傍觀者聽婦歎愴然終日皆心驚
我聞王師渡閩海夏門舟山次第平安能刻日銷金甲
處處春風鼓腹聲

韓侯釣臺

王孫垂釣楚江隈此地猶存百尺臺臺上不堪回首處
秋風長樂土花開

漂母祠

一飯千金迹已陳
祠堂猶與釣臺隣
滕公蕭相空知己
物色還輸第一人

逆旅

野色憑軒晚
河流入望空
一星霞外爛
孤雁日邊紅
逆旅人爭席
虛襟自御風
嗣宗稱曠達
何必泣途窮

薄醉

車馬頻南北
川塗自古今
悠然風日暮
冉冉歲華侵
杯落驚弓影
鄉遙喜足音
客情聊薄醉
倚膝起吳吟

越溪行

越來溪公莫渡行人隔水呼喚頻舟子掉頭不肯顧波
平如掌帆不前碧湖澄靜生寒烟縣官封船供應急經
今一月還復然公家用物有定數民間那得知其故日
日官船進女城依然船數不加盈昨聞大師至已泊南
濠隈太守親自出平明騎馬來官來猶自可兵來烈如
火弓刀裝小舸人馬乘大舸越來溪公莫渡捉船未已
還捉人勸君漫出城西路

老翁歎

曉發秦郵驛晚投界首村炊烟寒未起十室九閉門道
傍老翁長歎息此地由來稱樂國大兵頃者一經過頓
令閭里無顏色持刀投石碎門戶百物縱橫恣所取擊
豕割羊事酒筵趨迎猶恐逢其怒此恨吞聲何足道妻
子堪憐不自保今年猶有兩三家明年飄泊成荒草我
聞此言悽惻久自發吳閭經界首但逢逆旅多致辭處
處煩冤如一口老翁此語最酸辛可知艱苦皆身受誰

言橫海建奇勲用兵不戢徒自焚江南巨麗佳氣色須
史蕭索生愁雲稻梁鳬雁一朝盡健兒躍馬猶紛紜當
年空笑魚將軍

青駝市

烟火隔岡生青駝小市名冰髯吹自結沙眼射難明溷
跡人爭賤衝寒命亦輕扶桑何處景驢背曝朝晴

同子玉瑄朗壁人家渭臣子服兩兄登可中亭

望月

山徑夜色深行久乃見月竹樹吐幽輝清寒沁肌骨寒
射山下泉清數石上髮氣色浮孤高琳宮何突兀上方
人語靜一燈影林樾取路登虛亭置身轉飄忽同遊五
六人浩歌悄然發坐久月始中星盡長河沒苦節屆秋
冬羈魂滯吳越萬感中夕生頓令清興竭

秋日重遊虎邱題壁

曾攜春酒上春山醉後題詩滿壁間回首山川千古恨
側身天地幾人閒白楊樹老陰初合紅蓼花殘色漸殷

向夕西風動林樾斜陽影裡一僧還

憶著春衣買墅遊重來嵐氣肅高秋山川依舊分吳勝
風景還能泣楚囚青女有時回素律白蘋何處訴離憂
遂初賦在尋應好擬築茅堂傍虎邱

重陽後一日登等慈閣眺望

客裡登高九日過諸天樓閣出藤蘿石林暝色浮秋爽
浦溆風帆入望多搖落情懷枯柳賦羈遊踪跡五噫歌
冥鴻向夕南飛盡無限寒雲鎖雉羅

長至日登超果寺樓眺望

上方樓閣迥百里見秋毫墜葉清霜重翻雲白雁高寒
灰吹欲動暖律問誰操早晚年華改安仁有二毛

蒼蒼天際色山水鬱相盤久客衣裳薄橫空霜露寒人
烟浮遠郭鳥路拂危欄不盡登樓興驚心節序闌

晚泊

孤舟棲泊晚霜霰滿亭臯日暮水雲合天寒星月高浮
名輕去里苦調怯揮毫賴有賢賓從開樽勸濁醪

舟夜

薄酒難禁夜，輕舸僅著身。
荒鷄鳴戒旦，寒犬吠隨人。
鄉夢追思苦，吳歆迭唱新。
故園儔侶在，臥起見情親。

夜宿客樓口占

雲崑一片月，猶近故鄉明。
丙夜清霜集，丁年白髮生。
姜肱寒擁被，伍舉戀班荆。
遠道應回首，高樓此夕情。

北行留別同寓親友

驅車指薊北，此去路漫漫。
愁欲凋雙鬢，貧猶戀一官。
行

侵晨月白坐對朔風寒珍重樽前意高歌夜未闌

醉後題道院壁

歲宴猶為客朱顏鏡裡殘
栖遲真欲老寥落孰為歡
小徑松烟暝空壇竹露寒
越吟良自苦何必戴南冠

平原客店

平原一片月寒影淨如霜
驛路人千里家書雁幾行
羈愁空白墮節候又青陽
應有江南夢先春到故鄉

渡沂水

沂水清堪浴縑塵爾若何天低平楚盡野曠夕陽多世
路空搔首乾坤尚荷戈故園春事近歸計莫蹉跎

魚溝逢子吉南來因于馬上問訊時與其令兄
嶠初全行

忽覩雲端雁影過聯翩今日渡黃河葦蘆江上秋風起
兄弟天涯謫宦多滯跡南冠初報罷獻書

北闕竟如何金魚一擲便歸去花滿春江綠始波

蒙陰

羣山爭一徑城郭枕平岡郭外少烟火城中多夕陽

淮陰舟次

春回江上歲將終早發扁舟水浸空淮浦清翻濛汜日
射陂低渡石尤風倦遊暫得辭羈旅泛宅猶然逐轉蓬
北去南來無限事冥冥誰得似飛鴻

月夜宿長清旅店感賦

亦知冬夜永客裡更如年皓魄仍同照愁人祇獨眠峭
寒加酒後歸夢及春先何日鉤簾坐相攜看月圓

維揚訪王十一司理留醉

故人風雨憶周旋，問訊江關日暮天。
且自相逢傾五斗，須知不見已三年。
林中素豔披香雪，亭畔輕陰泛碧鮮。
客裡如歸忘歲月，何妨一舫竹西船。

竹亭

蓋竹成孤亭，蕭疎見高寄。
泠泠風露深，日夕生寒吹。
中有微吟人，披襟落空翠。

鶴柴

築柴養雙鶴蕭然物外味
夜深清唳集颯沓高秋氣
但有凌霄姿何必乘軒貴

讀貽上詩

王郎滿篋驚人句攜向歸囊墨尚濃
明日凌風渡江去高吟江上最高峰

酬貽上見懷之作

不見王司李清江空芷蘭寒潮三百里
風雨上淮安虎豹天門閉龍蛇夜壑寒
漂零人共惜情至似君難

維揚贈李蠖庵司理

濟寧名勝千年在百尺君家太白樓
酒市金魚長寂寞
杏林人物見風流
甌山橫矗孤高色
河水憑陵萬頃秋
今日龍門還御李
竹西亭畔古揚州

維揚舟次晤畢溜湄司理有贈

旅食維揚歲欲終
遲君小艇夕陽中
高文一卷濯冰魄
清夢多年繞雪宮
吏部清狂真不減
禁庭頗牧若為同
蘭陵莫自傷淹滯
長嘯五湖烟月空

邗溝除夕


南浦維舟日欲沉
邗溝東下大江深
烟波一望愁無極
家在秦山谷水陰

秦皇山下暮潮新
高士湖頭水氣春
此夜孤舟千里客
經年書札隔江人

除夜邗江舟次賦別貽上

桁上寒流湧碧莎
城頭冬日照嵯峨
水鄉作暖如新夏
雨氣徐生點素波
訪戴興隨殘臘盡
渡江春在故園多

平山尺素如相寄他日秦溪問荷蓑



松桂堂全集卷七

欽定四庫全書

集部

松桂堂全集卷八至十

詳校官庶吉士臣汪彥博

助教臣常循覆勘

總校官知縣臣楊懋珩

校對官助教臣李學錦

謄錄監生臣方步蟾

欽定四庫全書

松桂堂全集卷八

壬寅

吏部侍郎彭孫通撰

元日就貽上飲

曉郭萬人烟
春江孤客船
星河迴曙色
雲物吐朝妍
北闕龍飛日
東皇鳳紀年
漢廷方上計
越客此歸田
風景紛如昨
流波淨可憐
鐘殘隋苑裏
花發蜀岡前
勝事今何在
征途境屢遷
故交情似水
開宴酒如泉
送別留

詩句將遺損俸錢夜歸城北路醉咏竹西篇空響潮鳴
枕高寒露滿天迴思東閣興清夢正飛懸

戲答貽上

賦得香奩最有聲偶然託興寫傾城道心近日清如水
不落人間薄倖名

邗溝曉發

朝日棹歌鳴還為江上行寒蕪猶碧色小鳥作春聲烟
岫層層出風帆面面生不須窮遠目吟眺有餘情

瓜步懷貽上

風日依清曉空波匹練明相尋瓜步渡已失廣陵城江
岸舟初放春潮候已平還思何水部官閣眺新晴

渡江

天寒江氣深雙槳凌空碧三山指顧間青蒼非一色洲
渚既平遠川原亦鬱積中流駕巨浪高踏鼉鼉宅孤峯
入懷抱清暉照沙石蓼蓼風益駛惜惜日將夕言尋郭
景純更問神仙迹

泊江岸寄貽上廣陵

晚潮未上早潮收，一艇垂風下潤州。
恰向江南望江北，水雲無際不勝愁。

揚州懷古

惆悵繁華事已非，寒波縹緲夕陽微。
雷塘雨過山花碧，瓜步雲開木葉稀。
自昔叅軍多感慨，重來水部惜芳菲。
離宮別館今何處，坐見孤蓬日日飛。

草生城闕鬱崔巍，陳迹千年弔落暉。
南國綺羅悲帝子，

東都花柳葬靈妃
雲山一去秦淮海
歌吹空傳杜紫微
悵望烟波情不極
春潮如雪送將歸

過新豐鎮

新豐古道幾舟行
日落輕帆片片明
襍樹初青難辨種
亂山空碧不知名
江流曲折生春水
霞氣依微媚晚晴
獨上河梁一長眺
川原烟景正淒清

丹陽道中寄貽上

百折丹陽水
扁舟曉渡難
平疇初放碧
春雨薄生寒
錦

琴人將老青雲興欲闌
練湖行漸近新綠滿漁竿
平川縈百曲寒雨壓層波
淺碧千畦潤殷紅一寺過
暮雲依樹盡遠水入烟多
此地生香草懷人奈遠何

晨光生牖隙烟水淡溶溶
卧聽春朝雨遙聞曉寺鐘
平蕪隨地綠歸思近鄉濃
到日梅花發南山好曳筇

沙鳥集船頭寒塘清淺流
人家烟四合水氣日浮孤
暮有停雲思春生去國愁
征帆何處落風雨一歸舟

丹陽觀十字碑

讓國高踪不可追
蘓臺麋鹿久堪悲
榛蕪豐碣今何限
千古清風十字碑

練塘

一葉練塘舟
揚帆復順流
西風如有意
相送過常州

呂城雨泊

古市平橋跨水津
欲尋舊壘已荆榛
十年萍迹長如此
千載吳蒙解笑人
隴麥因風吹浪細
林梅冒雨作花新
南來景物多惆悵
且汎壚頭酒味春

舟中夜雪

夜雪壓舟重風清落枕長覺來人語靜一犬吠寒塘歷歷聞殘雁遙遙度曉霜江南今夜泊客意似瀟湘

橫林舟次

此地倪元鎮揮毫舊有聲數家臨水曲幾樹著雲平竹木參差秀林巒澹宕清今朝登眺處身在畫中行

梁谿舟次望九龍山

梁谿一帶抱孤岑水盡溪迴洞壑深三讓城荒空草木

九龍山遠悵登臨懸崖急雨石泉落翠竹蒼藤鶴澗陰
約畧前遊經四載依然春色滿平林

弔周孝侯祠

旦射猛虎南山頭暮隨雲間二俊遊一朝致命死疆場
竹書血食還千秋腐儒局促事鄉里白首章句空一邱

人日泊虎邱山下先遣奴子陳德東歸問訊

人日晴暉敞太虛石湖烟水放舟初春風不送雙蘭藥
錦里空傳尺素書小塢梅寒微雨歇長堤柳暖夕陽疎

道衡欲賦經年別雁後花前思有餘

山塘

山塘風日好雲木互層陰不盡平林秀如藏萬壑深蘋
波通小槳花嶼下鳴禽坐久生清思泠泠起梵音

泊灘亭

婁江此去路重經淒切吳歛不可聽咫尺家園歸未得
參橫月落大灘亭

舟中望崑山

崑山一片石時與白雲侵領此巖阿秀知予邱壑心天
低孤塔影人住數峯陰定有烟霞客相依共結林

一岫俯川陸天晴翠欲流不嫌城郭近轉覺石林幽白
日樓臺暝清暉島嶼浮春山濃似畫黛色撲行舟

道院曉起欲買小舟往沙上看梅以雨阻悵然
有作

欲向清谿問勝遊春陰初合水邊樓已虛沙口看花約
空買江南聽雨舟竹塢雲深天易暝石壇鳥下晝長幽

上清玉笛淒涼弄吹落梅花滿院愁

春雨

江城經日雨無復踏歌聲鄉淚隨花盡春愁似草生烟
中齋磬發雲裏午鷄鳴便擬遊方外移家傍玉清
一望輕陰合蕭條獨倚闌忽聞風雨集轉使別離難草色
侵行迹花枝怯晚寒所思愁不見竹露滴空壇

松竹生寒吹淒清戛石幢空齋聞夜雨春色滿婁江垂
柳拋金線飛花點玉缸他時同剪燭相憶在西窓

暝色同雲盡閒庭碧草深春泉鳴磴戶山鼠下松陰衝
雨過殘雁驚寒響暮禽坐看芳樹晚飛雪滿園林

和二兄除夕見懷之作

淮陰南下片帆收晚泊邳溝古渡頭遠道弟兄懸夜夢
隔年風雨入春愁空江木落頻回首小院花開定倚樓
若問關山千里客天涯涕淚滿征裘

南還至婁東得兄仲謀寄懷詩次荅

客子辭家歲月遥安仁已覺髭初凋空憐芳草生淒碧

忽有新詩破次寥海雁回寒殘影盡園梅經雨暗香消
婁江西望迢迢水思繞聞琴舊板橋

舟經外江鎮

一艇沿溪轉清流曲曲迷橋通丁字水籬唱午時鷄分
隴花田潤成行竹樹齊江村春氣早草色已萋萋

新柳

春風春雨正冥冥垂柳垂楊色漸青京兆眉勻猶淺淡
楚宮腰細最娉婷輕寒尚困三眠態小碧虛籠十里亭

他日灞橋腸斷處，驪歌淒切不堪聽。

白鶴江

落日依輕舫，空明水上窓。
人家多竹篠，仙宇擁燈幢。
塔影青龍寺，濤聲白鶴江。
九峯橫秀色，天際見雙雙。

結交行贈陳確修

結交寔難白，首如新一朝。
邂逅便託契，知君本是湖海人。
去年作客華亭縣，叩門載酒來相見。
朔風臘雨雪作花，欲使愁人忘歲晏。
今年著屐九峯頭，縞帶重來問舊

遊袖中攜有冰雪卷置我嗟峨百尺樓可憐羈客無顏
色感爾交情三歎息世事多揚弱水塵人生莫羨扶搖
翼鶯花照眼柳拂巾東風淡蕩吹芳塵與君揮手自此
去一問桃源洞口春

寄家兄仲謀

吾家仲氏老巖阿隱几沉冥近若何燕子簾櫳遲日靜
木蘭庭院落花多秋杵晝冷聞黃鳥蠟屐春閒長綠蘿
為問玄亭常寂寞誰人載酒數經過

寄家兄子服

客樓擁被集秋聲
兄弟天涯急難情
落葉一辭吳苑樹
離鴻遠度廣川城
停雲此日愁南望
聽雨何時話北征
為報庭前紅芍藥
一樽花下待同傾

寄幼瑜弟

游絲午幙日初長
曾索微吟賦海棠
客子正悲芳樹晚
名花還發去年香
澗湖水綠舟容與
秦嶠雲迷路渺茫
小謝風流頻入夢
應憐春草徧池塘

寄漢飛

名園永日暢登臨
念爾棲遲物外心
花榭細翻紅藥影
草堂頻換綠蘿陰
風前惜艷金鈴小
月下徵歌玉笋深
早晚羣賢修禊事
清泉白石定相尋

寄徐六瑄朗兼訊家姊起居

西風八月送行蹤
霜雪關河即次濃
豈謂生還猶有日
空勞死友遠相從
夢迴小閣重陽雨
愁聽寒山半夜鐘
別後已看春律轉
寒灰不照孰為容

客裏思君一倚樓。鶯花開日小窓幽。牙籤朗潤無塵雜。
彤管清華有唱酬。題畫新篇稱絕調。吹笙麗句最生愁。
却慚謝過才將盡。林下風神憶未休。
家姊有銀河吹笙及和予題畫詩最工

次韻答蒼水

僦得客樓如困大。開門風雨供高卧。茸城春酒萬斛傾。
壘塊鬱然不可破。君家兄弟天下才。二俊當年未得過。
開樽洗酌留我醉。春衣多被酒痕浣。何須絲竹與管絃。

粲花往往生咳唾高堂爽塏清絕塵圖書萬卷竹千箇
空階雨急燈燼寒虛幌風懸帽簷墮呼盧辦作袁彥道
狂吟直壓陳驚坐玄中往復兩相忘不知誰主誰賓佐
夜分客去君亦醉我玉山崩一座詰朝贈我瑤華篇
寫遍鶯花嬌阿那人生但得儔侶佳窮達何必悲軾軻
援毫酬爾郢人詞更索君家長公和

長公謂
閨石

題曹雅推石罇校書圖

草堂一夜雨綠遍前溪樹幽人獨往來日涉還成趣春

山萬疊深春水千頃碧借問隱居人何如輞川宅

次蒼水扇頭韻

客中二月換春衣一問三江舊釣磯幾日西風潮正滿
穀文深處見魚飛

寄懷百旃

弱冠追隨舊社前中更風雨雨茫然延津劍氣今還合
流水琴心爾自憐別後幾看江上月春來又見草如烟
亦知不淺文情在長事爰絲二十年

金匱先生集卷八
吳門得百旃見懷詩次韻答寄

高天木葉下孤舟
憔悴還為薊北遊
從古銷魂惟惜別
可堪送遠及悲秋
燕雲淚滿鴻千里
板渚花殘水一溝
今日吳江烹素鯉
尺書端為故人留

葑溪訪珠來看園中鶯粟花
還就雲客兄飲作歌

金閶亭畔送春歸
雜花落盡鶯亂飛
客子倦遊不得意
朝來又換織絺衣
出門偶向東城陌
一訪東城灌園客

園中開遍鶯粟花五采繽紛非一色此時洗酌向花飲
花明酒冽深相映近前折花當酒籌花枝裊裊過人頭
風光若此君不醉人生擾擾何所求富貴本浮雲文章亦
敝帚我今歸小山栽花還釀酒栽花宜多不宜少荒畦
十畝應環遶釀酒須教樽不空酤顏常比花色紅日傾
此酒對此花世上真有浮丘公

次韻答客義

此地吹壩客高風孰與同避人逃姓字學佛得神通茂

苑春將老清和日漸融坐看庭際樹青桂已成叢
愛爾栖禪地全勝安樂窩自能忘歲月不厭數經過
白社塵心盡青衫客淚多言尋方外約隨意卜岩阿

重過梅花樓

今朝風日好初地再相尋轉覺紅樓迥新添綠樹陰
定鐘人外發山翠晚來深歸路經林水清暉照客襟

重登虎邱山

包山之外千萬峯此一片石堪共語巖扉日暮少人行

雲木清陰淡如雨杜曲老人隱者流挈我重登最上頭
擾擾浮生無住著不知能更幾回遊

舟中見燕子作

越燕初來社事稀聯翩爭傍小舟飛低空忽墮紅襟片
入座徐褰翠羽衣游絲遲遲白日靜平波一望成千頃
水面無風徹底清分明照見差池影下拂清流上掠天
依人應更得人憐萬轉千迴還未息忽然墜地如無力
山城幾日雨兼風鶯花零落颺殘紅細啄香泥過林去

飛入誰家簾幙中

上曹村相國三十二韻

聖主垂裳日元公補袞辰五雲紛氣象萬類荷陶鈞
帝用鹽梅寄人瞻桃李新台星環紫極館閣敞平津一
作斯文主羣登上席珍荒莊寧有意投筆本無因玉筍
皆時棟龍門盡國賓四維咸被澤六詔未稱臣馬援馳
蠻徼唐蒙擁使輪廟堂資算畧帷幄叶經綸遂有旄牛
貢何論越雉馴雍容三府歷調劑八風均伊呂垂前烈

蕭曹謝後塵量弘羣自納清極豈嫌貧宅少成樓地家
無曳帛人入誰知禁樹出不問車茵骨鯁還推重文章
孰等倫勲庸由學術忠孝見深淳倚毘匡時切巖阿託
興真懸車當獻歲賜沐有全身絲竹東山趣林泉綠野
隣春風吳嶠滿淶水石湖濱往往攜筇出時時泛艇頻
芳樽張月夕雅咏集花晨賓從多英妙芝蘭更鬱峴
生甘寂寞先業墜艱辛壯志千秋在沉寃九地湮裴
徊轅下足憔悴轍中鱗已分尋黃綺誰為徹紫宸通門

金匱要略卷八
卷八
慚孔李再世念荀陳禮遇山齋重恩光物自親寒灰如
可照願得借陽春

贈潘仙客太守

夫子間氣英鬱鬱瑚璉器一擢夏官郎再典秋闈試帷
帳窮天淵網羅皆雲驥兼此文武才永為廊廟寄驅車
向渤海神京三輔地刀劍猶紛紛斯民未知義易俗多
苦心報政洵優異是時

先皇帝注意循良吏蒞屋騰歌謠御屏留姓字方期歲

九遷忽訝言三至蕭然解組歸形神遠無累父老既留
行兒童亦揮淚左遷何足憂榮名在百世伊余執鞭情
十年深寤寐今見紫芝人願託青雲士季路信一言劉
弘重片刺冀迴叅谷寒得奮天池翹明誼結中心千秋
義無二

施有一席上聽歌作立夏前一日也

洒遍江河淚萬行那堪春盡尚他鄉鷓鴣絃雁柱多悽惻
不待聞歌已斷腸

金少卿人三
卷八
絮飛花盡雨冥冥人在金閨古驛亭莫唱春歸腸斷曲
此聲淒切不堪聽

山堂風雨正淒淒一曲新詞聽欲迷滿座賓朋靜無語
春雲冉冉向人低

何處聲傳子夜歌高雲不散玉嵯峨雪兒解道風流句
不及君家問字多

問字有一歌僮
名頗有兩首

四月初三日作

閒居適新夏百卉皆榮腓青陽謝成令朱明麗朝暉松

竹含貞萋林巒吐清輝鳴鳥下茂柯向人如相依流覽
有妙理新故靡停機我亦無心者隨時御葛衣

高堂列黼帳襍然進齊優簫管吹叅差妙舞兼清謳境
去態仍在器往聲還留涉想每多妄冥心亦愈流此中
有實義本與靜者謀不假思惟得豈從聞見求

大美本無味大音本無聲至樂既忘言極哀徒愴情乃
知天下理非由言象呈名者非其至至者無能名所以
維摩詰默然義已明

越人善泅水吳娃工走馬盤旋風電中出沒波濤下當
其呈技時意思何瀟灑與物既相忘我形亦自捨豈惟
無我心并無我者

贈顧舊來吏部廿三韻

閭闔中天啓鵷鸞禁寺翔紫泥初入捧佳樹已成行畫
粉神仙署薰衣侍史香儒同裴叔則清是顧長康當日
新更始諸曹舉大綱品題澄水鏡故事罷山郎銓局推
通簡時賢少頡頏在公仍夙夜賜沐有輝光江左風流

舊龍門雅譽當瞻星文粲粲挹海量汪汪身作儒林冠
胸將武庫藏人皆尊哲匠君豈問荒莊北闕存深眷東
山久屬望雲霾看立化日月亦何傷下士泥塗賤窮居
海嶠傍白鷗成伴侶赤鷄自榆枋忽有三言虎能飛六
月霜沉寃埋土壤高誼薄穹蒼宛轉加垂手殷勤見熟
腸片辭喬嶽重萬里潤河長欲使寒灰起還令百草芳
羽毛端自惜毫髮竟奚償千載存明信於公義不忘

喜客義過談

候入清和歲月侵草堂快爾更相尋茶烟未斷爐中火
竹樹初移午後陰誰向河頭來賣水却從絃上去聽琴
坐深鳥語花頻落何處堪徵不住心

問家兄仲謀肺疾即用來韻却寄

茂苑開君病裏書遙知謝客斷行車湖山極目春遊嬾
風雨懷人午夢疎舊社酒徒今寂寞故園花事近何如
杜陵最有憂時疾高枕南窓四月初

海天千里浩烟波綠水平堤覆軟莎蜃氣春深浮島嶼

雁行雲斷隔關河鶯花三月風光暮絲竹中年感慨多
惆悵不須徵往事佳辰冉冉客中過

柴門深巷晝長關廿載逃名鬢漸斑芳草久埋張仲宅
幽蘭空佩楚人環殘春伏枕甘蕉下薄暮投林倦鳥還
料得疎狂時縱酒竹林清興未闌珊

欲憑雙鯉去雲安經歲離情問訊難偕隱高堂華髮健
織縑小婦錦機寒新篁墜粉含清露紅藥翻風下曲欄
兄弟相思不相見故鄉迢遞海雲端

寄問家兄子服卧病

吳天南望一傷神，伏枕高樓送暮春。
犢鼻漫憐司馬渴，牛衣不厭仲卿貧。
病中櫻笋輕酬節，雨後松梧綠蔭人。
我亦江湖牢落久，楝花吹遍客衣塵。

初夏遊東禪寺

夏日媚新霽，山水多清音。
閒雲偶然出，步至東禪林。
寂歷鐘梵響，蕭疎水樹陰。
流泉下石澗，戛然如鳴琴。
草花一一開，上有閒關禽。
老僧不相識，宛若夙相尋。
真賞方

在茲高懷匪自今坐對默無語各有物外心勝因了可
悟妙義良所欽

答客義

迷離撲朔辨雌雄玉麈繩床話苦空不覺春歸今又夏
吹來池面盡薰風

狂來對客吟詩句老去荷鋤種秫田醉語二豪聊爾爾
卿須歸去我還眠

易易難難何處分昔惟龐老近惟君看來只是河東豕

拈出還空冀北羣

大地從來無一字小儒空復費三餘從君乞取傳薪火
燒盡從前萬卷書

又作四賓主句答容義

金屋銀屏絕代人夢迴關塞未分明停針日日腰如削
不信牽纏是有情

吳山越水遍浮家浪把無涯逐有涯今日山中閒獨往
鳥鳴蟬噪靜無譁

夜來山雨過前溪
新綠深深上衲衣
語言文字都忘却
閒讀南華註馬蹄

延津寶劍是雙龍
一躍還生八面風
擊破太虛無一事
左攜玉女右青童

松桂堂全集卷八